

**ANEXO 1**

**JURÁMUKUA REGLAMENTU KURHAMIRPERAKUERI  
INSTITUTO ELECTORAL DE MICHOACÁN ANAPU PARU  
IRETA NO TURHIXI UANTARHICHA**

**Jurhiatikua enka  
petamutaka**


06 de junio de 2017

**No. Pakatperakua**

Acuerdo No. CG-13/2017

**Karantajti**

Lic. Úrsula Montellano Crisóstomo  
Certificación:01708515 INALI





## **JURÁMUKUA REGLAMENTU KURHAMIRPERAKUERI INSTITUTO ELECTORAL DE MICHOACÁN ANAPU PARU IRETA NO TURHIXI UANTARHICHA**

### **MA ARHINSKUA ENKA UETARIJKA CHUNJTAMANI AMPE**

**Arhujtakua 1.** I jurámukua jintesti paru iamintu k'uíripu, ka paru iamintucha janhanharhini ka jintesti paru kurhamirperakua jurhimiti xanharhani erhokaparhini jurámukua Ley de Mecanismos de Participación Ciudadana en el Estado de Michoacán de Ocampo.

**Arhujtakua 2.** Paru i Reglamentu kurhankukuarhixi eska:

- I. Acta kurhamirperakuerhi: xiranta Instrumento público arhikata, enka jukanharhijka pakatperakuecha enka uérajka tankurhikuecharu enka eratsikua mojtakujkaxi
- II. Enka iretecha no sesi ukuajka: Juramukuecha enka ireta no utuxi uantaricha no jarhuatajka, enka jukajnarhijka ampe enka mojtakuajka ireteri p'intekuecha.
- III. K'eri Tankurhikua: K'eri Juramukua ireteri;
- IV. K'eri Juramuti: Ke'ri Juramuti Instituto Electoral de Michoacán anapu.
- V. Comisión: Comisión Electoral para la Atención a Pueblos Indígenas del Instituto Electoral de Michoacán;
- VI. K'uíripu iretaru anapu: Enkaxi p'intakurhijka ma ireta ka janhanhariajka p'intekuecha ka juramukuecha.
- VII. Ireta no utuxi uantaricha: K'uíripucha enka majku iretaru anapuka ka jatsikajxi majku jaxi juramukua, p'intekuecha, urakuecha ka ijtu juramukuecha enka iretaru janhanhariajka.
- VIII. Consejeros: Juramutiicha Instituto Electoral de Michoacán anapu.
- IX. Constitución Estatal: Constitución Política del Estado Libre y Soberano de Michoacán de Ocampo;
- X. Constitución Federal: Constitución Política de los Estados Unidos Mexicanos;
- XI. Derechu kurhamirperakueri: Derechu paru chuntamani janhanhariani juramukuecha ka p'intekuecha iretaru anapuecha ka ijtu xanhara ka anchikurhi paru ireta sesi uku.
- XII. Estado: Estado de Michoacán de Ocampo;
- XIII. Instituto o autoridad autónoma: Instituto Electoral de Michoacán;
- XIV. Ley de Mecanismos: Ley de Mecanismos de Participación Ciudadana del Estado de Michoacán de Ocampo;



- XV. Órganos Estado anapuecha: Poderes del Estado, Ayuntamiento ka ijtu materu órganucha enkaxi ixi p'itarhanchajka.
- XVI. Plan de Trabajo arhikaka paru kurhamirperakua: Karakata ma enka jukanharikujka nani ka chunjtamaka paru petamuta kurhamirperakua, i jatsijti paru janhanharhini juramukuecha iretaru ka materucha enka ixi p'itarhajka.
- XVII. Presidente de la Comisión: Consejero o Consejera Electoral enkaxi perhajka paru orhetsikuni Comisión Electoral para la Atención a Pueblos Indígena;
- XVIII. Ireta no utuxi uantari: Ima enkaxi irekajka ka p'intakurhijka ionki anapu iretecharu ka chuntamajkaxi janhanharhini juramukua, p'intekuecha, urakuecha ka ijtu juramukuecha enkaxi ireta janhanhariajka.
- XIX. Reglamento: Jurámukua Reglamento kurhamirperakueri instituto electoral de Michoacán anapu paru ireta no turhixi uantarhicha.
- XX. Secretario Técnico: Enka orhetsikujka Unidad Técnica para la Atención a Pueblos Indígenas;
- XXI. Sesión: Tankurhikua Comisión Electoral para la Atención a Pueblos Indígenas anapu, enka uetarhijka paru jarhani iamintu o santeru uani paru uni petamuta pakatperakuecha.
- XXII. Sistema normativo interno: Mamaru jaxi juramukuecha iretaru anapuecha ka materucha enka jaka paru janhanharhini ka chunjtamani paru petamuta anchikuarhitecha paru erakuantani juramutiicha.

**Arhujtakua 3.** Kurhamirperakua jintesti derechu ka sesikua enkaxi jatsika iretecha paru kurhamirhinha iretecha, enkaxi janhanhariajka juramukuecha iretaru anapuecha ka ijtu materucha.

Ianmintu ampe enka no jukanharika i Reglamentoaru, janhanharitixi juramukuecha enka jinteka instrumentos internacionales de los derechos humanos de los pueblos indígenas arhikatecha ka janhanhari eska xanharaka paru iamintu iretecha majkuni sesikua jatsini.

**Arhujtakua 4.** Paru urani Reglamento p'itarhanchaxi K'eri Juramuti, Comisión, Unidad Técnica para la Atención a Pueblos Indígena o materucha enka K'eri Juramuti sesikua inskuajka, enka xanhantajka ka petamutani eska na juramukata jaka.

**Arhujtakua 5.** Uetarhixi eska iretecha inskuaka sesikua ka eska janhanhajka p'intekuecha ka jakajkukuecha paru xanhanta kurhamirperakua, enka p'intekuecha ka jakajkukuecha iretaru anapuecha janhanhariajka Reglamento, enka na uerajka kurhamirperakua jatsisti paru xanhanta pakatperakua ma.

**Arhujtakua 6.** Eska na karakata jaka Ley de Mecanismo p'itaranchaxi Instituto Electoral de Michoacán ka juramutiicha enka na karakata jaka arhujtakuaru 4, fracción VII, inte juramukuaru, paru insku jukaparakua kurhamirperakua.



MICHOACÁN



Ireta no utuxi uantaricha, juramuti iretaru anapuecha jimpo ka pamperhapati materu juramutiicha jinkon anchikurhiati paru kurhamirperakua chuntama ka jatsijtixi paru janhanhari p'intekuecha ka jakajkukuecha iretaru anapuecha. Enka ixi pakakperajka ireteru uantakua jimpo chujtamati kurhamirperakua.

**Arhujtakua 7.** Estadu jatsijti paru xeni ka janhanhari derechu enka iretecha jatsijka paru kurhamirhinha enka uekajka petamuta ma juramukua o imani ampe enka no sesi ukuauka ireta no utuxi uantaricha.

**Arhujtakua 8.** Kurhamirperakua uati kurhakurhini ireta no utuxi uantaricha ka inchamutajti karakata o uantakua jimpo juramutiicha iretaru anapucha, erankueraparini imani enka santeru sesi ukuajka ireta.

**Arhujtakua 9.** kurhakurhikua ka iamitu ampe anchikuritecha paru kurhamirperakua ireta no utuxi uantaricha janhanhariati juramukuecha erakparaskueri México anapuchani.

**Arhujtakua 10.** K'uíripu enkaxi k'eri ireta utuxi uantariarhu irekajka ka enkaxi chujtamajka tankurhini ka janhanhari iretaru anapu p'intekuecha, intejtuxi uati kurajkuri ma kurhamirperakua janhanharipari enka karakata jaka i Reglamentuaru.

### **TSIMANI ARHINSKUA ENKA UETARHIJKA PARU KURHAMIRPERAKUA IRETA NO UTUXI UANTARICHARHU.**

**Arhujtakua 11.** Kurhamirperakua enka ireta no utuxi uantaricharu ixi chunjtamajka jatsijtixi paru janhanhariati sesikuecha enka jintejka paru iretaru anapuecha uni inchamukuni, eratsini, anchikurhini ka chuntamani eska na eratsiajka, xeparhini eska janhanhariajka derechu ireta no utuxi uantari anapuecha enkaxi karakata jaka Constitución Federal, la Constitución Estatal ka instrumentos internacionales anapuecharhu.

**Arhujtakua 12.** Kurhamirperakua arhukukuariati erhota anchikuarhita, aianperakua, kurhamirperakua ka petamukua eska na uerajka, enkaxi jatsiajka paru karakata pakatajnha ka tarhatati Unidad Técnica para la Atención a Pueblos Indígenas arhikata.

Comisión arhikata jatsijti paru insku jukaparakua ka petamuta pakatperakua ma, ka tatsikuarhu perhani Ke'ri Juramuti jinkon enka arhikurhijka Consejo General paru inte Chunjtamani eska na p'itarhanchajka.

### **TANIMU ARHINSKUA**



## PARU KURHAMIRPERAKUA CHUNJTAMA

**Arhujtakua 13.** Kurhamirperakua ireta no utuxi uantaricha jinteajku kurajkurikua jimpo xanharati. Uenakurhiati enka inchamutanjhajka ma karataka ka arhujtakuarhiati erhota anchikuarita, aianperakua, kurhamirperakua ka

petamukua eska na uerajka enkaxi jatsiajka paru karakata pakatajnha ka tarhatati Unidad Técnica para la Atención a Pueblos Indígenas arhikata.

**Arhujtakua 14.** Kurhamirperakua ireta no utuxi uantaricha uajti Kurajkuri icha jimpo:

- I. K'uíripu iretaru anapuecha enka orhetsikuajka juramukua iretaru anapuecha enkaxi ireta no utuxi uantari arhikurhijka.
- II. Poder Ejecutivo del Estado anapu, Secretaría de Gobierno ueratini jimpo;
- III. Poder Legislativo del Estado, ka iamintu maretu juramutiicha enkaxi anchikurhijka paru k'uíripu.
- IV. Poder Judicial del Estado, ka iamintu materu juramutiicha enkaxi anchikurhijka paru k'uíripu.
- V. Ayuntamientucha enkaxi anchikurhijka paru ireta ka xanhantajka tumina iretaru anapu ka iamitucha enkaxi jima uerajka.
- VI. Materu Organucha enkaxi K'eri Juramukuaru karakata jaka.

Enka ma k'uíripu iretaru anapu kurajkuriajka ma kurhamirperakua, jatsijti paru janhanhari k'eri juramukua iretaru anapu, jimpoka kurhamirperakua jintesti paru iamintu k'uíripu iretaru anapuecha ka no paru ma k'uíripu.

Franccionicharhu II, III, IV, V y VI kurhamirperakua chunjtamati imajku enka ixi p'itarhajka ka uajka juramutiicha kurhakurhini.

**Arhujtakua 15.** Kurhakurhikua enka juramutiicha iretaru anapucha kurajkuriajka uati karakata o uantakua jimpo inchamutani ka enkaxi ixi erankuerajka uatixi iretaru anapu uantakua jimpo inchamuta.

- I. Juramutiicheri arhikurhikua.
- II. Xiranta enka jukajhariajka eska jinteskaxi juramuti iretaru anapuecha.
- III. Acta enka jukajhariajka pakatperakua enka k'eri tankurhikuaru uerajka ka arhini eska ireta uekaxi kurhakurhini ma kurhamirperakua.
- IV. Imani enka ireta uekajka paru kurhamirhinha.



MICHOACÁN



**Arhujtakua 16.** Enka na juramuti Instituto Electoral mitiajka eska inchaska ma kurhakturhikua paru kurhamirperakua, jatsijti 15 jurhiatikua enka anchikuarhiajka paru petamuta ma karakata paru mokuntani kurhakturhikua kurhamirperakueri, xerani erhota K'eri Juramuti paru inte Chunjtamani eska na p'itarhanchajka.

**Arhujtakua 17.** Aiankuni K'uírpu enka kurhakturhika kurhamirperakua ima karakata enka petamutaka K'eri Juramuti paru chunjtamani anchikuarhini paru kurhamirperakua petamuta.

## SECCIONI MA

### ERHOTA ANCHIKUARIECHA

**Arhujtakua 18.** Eska na inchamukuajka kurhakturhikua kurhamirperakueri, Instituto Electorali ainquajti ireta ka inte ireta jatsijti paru insku sesikua ma o santeru k'uírpu paru inte orhetsiku anchikuarhitecha paru petamuta kurhamirperakua. Inte k'uírpuja jatsijti paru inchamutani xiranta enka jukajhariajka eska inteecha jatsijka sesikua paru chuntamani anchikuaritecha.

**Arhujtakua 19.** Paru chunjtamani anchikuarhitecha paru kurhamirperakua uni tankurhiati k'uírpu iretaru anapu ka Comisión Instituturhu anapu paru xeni ka pakakperakua Plan de Trabajo arhikaka anchikurhini jima enkaxi pakakperajka nanina chuntama paru petamuta kurhamirperakua.

Enka kurhamirperakua orhetsikuajka Estado, enka uekajka petamuta jimpanki juramukua enka inchamutauajka ireta no utuxi uantarichani, iretecha inskuati sesikua ma o santeru k'uiriupu paru inte nirani tankurhikuaru.

Enka kurhamirperakua uetarhiajka eska uanikua iretecha inchamukuajka, uetarhixi eska uajka pakakperakua Plan de Trabajo arhikaka anchikurhini jima enkaxi pakakperajka naxi chunjtama paru petamuta kurhamirperakua iretecharu, janhanharipari p'intekuecha enka iretecha jatsijka.

**Arhujtakua 20.** Pakakperakua Plan de Trabajo arhikaka enka chunjtama paru kurhamirperakua petamuta chunjtamati ini ampe:

- I. Xeni najki ireta kurhajkurixi kurhamirperakua.
- II. Xeni najki juramutiicha inchamukua ka ampe jimpo inte ixi p'itarhaxini.
- III. Xeni ampe uetarhixi kurhamirperakuaru paru petamuta o xarhajta.
- IV. Pakatperakua enka jukanhariajka anchikuarhitecha eska ireta na eratsiajka, paru chunjtamani anchikuritecha paru petamuta aianperakua ka kurhamirperakua, ka ijtu paru mitini na jaxi uantakua jimpo chunjtama.
- V. Anchikuarhitecha enka na chunjtama enka jukanhariajka;
  - a) Jurhiatikua ka atakuaru enka jaujka aianperakua.



- b) Jurhiatikua ka atakuaru enka jaujka kurhamirperakua;
- VI. Anchikurhitecha ka iaminti ampe enka uetarhijka eska k'uírípucha enkaxi inchamukuajka kurhamirperaru uajka.
  - VII. Pakatperakuecha enkaxi erankuerajka nanina etsakua paru k'uírípu minteni aianperakua ka kurhamirperakueri ampe.
  - VIII. Materu ampe enka ixi erankuerajka eska uetarhixinjka.

**Arhujtakua 21.** Eska na jauka anchikuarita Plan de Trabajo arhikata enka chuntamajka paru kurhamirperakua petamuta, Comisión Electoral para la Atención a Pueblos Indígenas, Instituto Electoral de Michoacán anapu perakuati K'eri Juramuti paru inte insku jukapakua.

## SECCIONI TSIMANI AIANPERAKUA

**Arhujtakua 22.** Janhanharhini arhujtakua 19 ka 20 aianperakua chunjtamati enka na jaka pakakperakua Plan de Trabajo arhikakaru. Juramutiicha Instituto Electorali anapuecha niarajti jima ka atakuaru eska na eratsikata jaka.

**Arhujtakua 23.** Ueturhixi eska ireta no utuxi uantaricha sesi mitiajka iamintu ampe paru uni eratsi ka chuntamani eska na erankuerajka kurhamirperakuaru, xeparini ampe sesi o no sesi jarhaski, ireteri ukuecha, p'intekuecha, tsinajparakueri ampe xeparini ka materu jaxi ampe.

**Arhujtakua 24.** Juramuti Instituto Electoral inchamutajti kurajkurikua juramukuaru Estado anapucharu enkaxi jatsijka sesikua paru chunjtamani kurhamirperakueri ampe, paru inte inskua iamintu xiranta enka jatsijka paru petamuta aianperakua sesi.

**Arhujtakua 25.** Ireta no utuxi uantaricha juramutiicha iretapucha jimpo inskuatixi sesikua ma o santeru k'uírípu paru inte orhetsiku anchikuarhitecharu paru petamuta kurhamirperakua.

**Arhujtakua 26.** Instituto Electoral jarhuauati iamintu k'uírípu jinkon ka mamaru ampe jinkon enka uetarhijka paru chuntamani aianperakua, ka eska na karakata jaka erhota arhujtakuaru paru uantajpani ka juramukuani paru k'uírípu enka ixi p'itarhanchajka niuajka iretaru uantakua pani aianperakeri.

**Arhujtakua 27.** Eska na k'amakurhiajka aianperakua, petamutatixi ma karakata Acta de Consulta arhikata enka jukanhariajka ini ampe:

- I. Jurhiatikua ka atakuaru enka uenakurhika ka k'amakurhijka.



- II. Arhikurhikua k'uíripu o ireteri enka chunjtamajka eska na karakata jaka pakatperakuaru Plan de Trabajo arhikataru paru petamuta kurhamirperakua, ima k'uíripu iretaru anapuri enka anchikurhijka ka inskuani imani ampe paru uni ireta mitini ka arhikurhikua k'uripuri enka anchikurhijka Instituto Electoraliarhu enkaxi kurhamirperakua japka; ka,
- III. Aianperakueri chunjtamakua.

Firmariuatixi acta k'uíripu enka orhetsikujka ireta no utuxi uantari, k'uíripu enka anchikurhijka Instituturhu ka imecha jinkon enkaxi chunjtamaka aianperakua, ka pamiati ima xiranta enka urakurika paru petamuta aianperakua.

## SECCIONI TAMINU KURHAMIRPERAKUA

**Arhujtakua 28.** Janhanharhini arhujtakua 19 ka 20 kurhamirperakua chuntamati enka na jaka pakakperakua Plan de Trabajo arhikakaru. Joramutiicha Instituto Electoraliarhu anapuecha niarajti jima ka atakuaru eska na eratsikata jaka.

**Arhujtakua 29.** Instituto Electoral jarhuauati iamintu k'uíripu jinkon ka mamaru ampe jinkon enka uetarhiajka paru chunjtamani kurhamirperakua.

**Arhujtakua 30.** Institutu inskuati jukaparakua ka xeajti enka kurhamirperakua xanharajka eska na karakata jaka Plan de Trabajo arhikataru ka eska no ireteri derechucha enkaxi jatsiajka no janhanhariajka.

**Arhujtakua 31.** Eska na k'amakurhiajka kurhamirperakua, petamutatixi ma karakata Acta de Consulta karhikata enka jukanhariajka ini ampe:

- I. Jurhiatikua ka atakuaru enka uenakurhika ka k'amakurhijka.
- II. Arhikurhikua k'uíripu o ireteri enka chunjtamajka eska na karakata jaka pakatperakuaru Plan de Trabajo arhikataru paru petamuta kurhamirperakua, ima k'uíripu iretaru anapuri enka anchikurhijka ka inskuani imani ampe paru uni ireta mitini ka arhikurhikua k'uripuri enka anchikurhijka Instituto Electoraliarhu enkaxi kurhamirperakua japka.
- III. Aianperakueri chunjtamakua, ka.
- IV. Eska na uerajka kurhamirperakuaru ireta no utuxi uantaricha enka chunjtamajka anchikurhinjha.





Firmariuatixi acta k'uíripu enka orhetsikujka ireta no utuxi uantari, k'uíripu enka anchikurhijka Instituturhu.

## SECCIÓNI T'AMU

### ESKA NA UERAJKA KURHAMIRPERAKUA IRETA NO UTUXI UANTARICHARU

**Arhujtakua 32.** Enka na uerajka kurhamirperakua karanharikuanhati xirantarhu ka peranhati jima enka uaka xeni ianmintu k'uíripu iretaru anapuecha ka enka ixi p'itarhajka aiankuani Estaduaru anapuecha enkaxi inchamukuajka kurhamirperakuaru.

**Arhujtakua 33.** Eska na k'amakurhiajka kurhamirperakua Comisión Electoral para la Atención a Pueblos Indígenas Instituto Electoral de Michoacán anapu

anchikurhiati paru petamuta ma karakata paru insku jukaparakua kurhamirperakuani, enka xeajka K'eri Juramuti Instituto Electoral anapu.

## TRANSITORIOCHA

**Ma.** I Reglamentu uenajti marhuani pauanikuaru eska na K'eri Juramuti inskua .Jukaparakua

**TSIMANI.** Instituto Electoral de Michoacán, enka na inchajka Reglamentu jatsijti paru mitani ma página web arhikata ka perhani aianperakua ampe enka uajka ireta no utuxi uantaricha xeni kurhamirperakueri ampe jukanhariajka.

**TANIMU.** Etsaku ini Juramukua Periódico Oficial del Gobierno Constucionaliarhu ka ijtu página internetiaru Instituto Electoral de Michoacán anapuarhu.